

書名

卷一百三十

杜氏通典二百卷 嘉靖十八年西樵方獻夫刊本

撰者 唐 杜佑 撰, 明 王德益、吳鵬 同校

卷 卷一百三十

內容分類 史·政書·歷代通制

索書號 貴重-17

編號 B3510400



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上總論諸卿
少卿附

太常卿丞奉禮郎主簿
太樂署鼓吹署
太卜太樂署
太醫署兩京郊社署

光祿卿丞良醞署主簿
太卜太樂署
太醫署兩京郊社署
太公廟等署

衛尉卿丞守宮署主簿
武庫署武器署
左右都候

宗正卿丞諸陵署主簿
崇玄署

太僕卿丞典牧署主簿
乘黃署典廄署

大理卿正司直丞評事監
車府署諸牧監

言卿附少卿

杜氏通典卷第一百三十一

禮九十

嘉九 纂類二十五 大憲開元禮二十五

朝集使於尚書省禮見

任官初上

諸州上 附

京兆府河南牧初上

諸州刺史 都督附

萬年長安令初上

河南洛陽縣令 附

鄉飲酒

正齒 附

宣赦書

群臣詣闕上表

群官奉叅起居

皇帝遣使詣蕃宣勞



通典卷第一百三十一

通典卷第一百三十一

皇帝遣使諸州宣撫

皇帝遣使詣諸州宣制勞會

皇帝遣使詣諸州宣赦書

諸州上表

朝集使於尚書省禮見并辭

其日奉禮郎先布版位於尚書省都堂之前京官九品以上位在東每等異位朝集使位在西亦如之皆以北爲上京官及朝集使俱常服謁者絳公服先引京官入就位又謁者引諸方朝集使等入就位奉禮立於朝集使之北差退贊者陪其後京官及朝集使序立訖奉禮曰再拜贊者承傳朝集使等俱再拜京官等遂巡揖避再拜訖京官等俱各拜朝集使等遂巡揖避再拜訖謁者贊稱禮畢群官等各以次退朝集使亦退其禮辭亦如之

任官初上諸州上佐附

應冊命之官受冊訖朝集使乘輅備儀鳴鐃吹詣太廟南門至下車所鐃吹止受冊者降輅謁者引入立於廟庭北面西上立定再拜訖又再拜辭謁者引出乘輅鳴鐃而還儀若受先制書者發前儀道詣本司將至卑官先引俱公服俟於別席所初上者至降輅贊禮者引入停於後堂改著公服儀仗陳於廳事之前贊禮者引卑官俱立於內門之外西廂每等異位重

行東面以北爲上初卑官就門外位贊禮者引初上者立於廳事東階東南西面贊禮者引卑官以次入立於西階西重行東面以北爲上立定卑官俱再拜初上者答拜贊禮者引卑官出贊禮引初上者就後堂卑官俱更衣贊禮者引應坐者入立於廳事東西階下其應致敬者立於門外之西東面俱北上贊禮者引初上者出升堂就榻後應坐者俱升詣座後立定初上者升座應坐者各依其班而坐其應致敬者入立於東西階下俱以北爲上而諸流外官入立於庭重行北面西上再拜訖就東階下品官之後本司以印及職置於案本司引入升諸座前本司取印

及職掌以次進置於座上之案訖本司引案降出諸司以次諮判三條事訖俱興立於座後贊禮者引初上者還後堂以次降出設會如常儀官卑不合拜廟者俱詣上所不判事者禮見而已若六品以下初上皆常服若先任者尊及官位等先任者俟於東階下西面新任者入立於西階下東面再拜先任者答再拜訖新任者還於廳事立於東階下與卑官相見如上儀諸州縣丞長史以下初上准此

京兆府河南牧初上諸州刺史都督附

其日州牧備儀仗至州停於後堂兵曹設儀仗於廳事門庭如常儀本司設牧位於廳事楹門近北南向

設州官長史司馬位於堂下東方西向設錄事參軍
以下位於司馬之南重行西向皆以北爲上設縣官
位庭中近西諸鄉長位於縣官之東每等異位重行
北面相對爲首州助教縣博士長史以下集於州南
門之外州官在東縣官在西鄉長史在州官東南各
有次俱公服鄉長常服司公整次紙名入諮贊禮者
引牧出立於廳事東階東南西面左右侍從如常贊
禮者立於牧南少退俱西向贊禮者引州官入就位
次引縣令以下入門而左又引鄉長入門而右俱入
就位立定贊禮者引牧升自東階卽位南向立又引
縣令及鄉長五品以上自西階升堂進當牧前重行

北向如在位庭之儀立定上下俱再拜牧答拜上下
在位者皆逡巡避位贊禮者引縣令以下及鄉長俱
出贊禮者引牧降入贊禮者引長史以下出次俱更
衣本司量設牧座於堂上訖贊禮者引縣令及鄉長
俱就西階下又引長史以下入立於東階下俱北向
贊禮者引牧出升自堂就榻後長史以下并縣令職
事五品以上應升者合班俱升詣座後立定牧升座
諸應坐者俱坐州縣佐史以下入庭中重行北面西
上州縣學生立於其後俱再拜訖就東階下品官之
後立錄事以印及職掌置於案錄事一人引入升詣
座前錄事取印及職掌以次進置於牧案訖錄事引

案降出諸司以次諮判三條事訖坐者俱與贊禮者
贊牧興引還後堂長史以下降出設會如常儀諸刺
上准此其鄉長武官七品以
上及德行有聞者皆升堂

萬年長安令初上

河南洛陽縣令
禮同諸縣令附

其日令停於後堂設令位於廳事楹間近北南向設
鄉長位於南方重行北面以西爲上其勳官出身班
博士助教依鄉長班又設丞位於東方西向設主簿
及尉位於丞南少退西向北上鄉長以下俱集於縣
南門外之西各有次司功整次紙名入諮贊禮者引
令出立於廳事東階東南西向侍從如常儀贊禮者
立於令之南少退俱西向贊禮者引丞以下入就位

又引鄉長入就位立定贊禮者引令升自東階即位
南向立贊禮者引鄉長文武官五品以上升自西階
進當令前重行北面以西爲上立定上下在位者俱
再拜令答拜上下在位者皆逡巡避位贊禮者引鄉
長降自西階以出鄉長在庭者繼出贊禮者引令降
自東階以入又引丞以下以次出本司量設牀座於
堂上訖贊禮者引鄉長入立於廳事西階下丞以下
立於門外道西東面俱北上贊禮者引令出升堂就
榻後又贊禮者引丞入及鄉長文武官五品以上俱
升詣座後又贊禮者引主簿及尉入立於東階下立
定令升座諸應坐者俱坐錄事及坐者以下入立於

庭中北面西上學生位於其後俱再拜訖就東階下
縣尉後立錄事以印及職掌置於案錄事一人引升
入詣座前錄事取印及職掌以次進置於案訖錄
事引案降出諸司以次諮判三條事訖丞及鄉長俱
興贊禮者贊令興引還後堂鄉長降出設會如常儀
諸縣令初上准此其鄉長文武官
七品以上及德行有聞者皆升堂

鄉飲酒正齒位附

鄉飲酒之禮刺史為主人此為貢人之中有明經進
士身兼德行孝誼灼然明
著道表門閭及有秀才者皆刺
史為主人若無上佐攝行事先召鄉之致仕有德
者謀之賢者為賓其次為介又其次為衆賓與之行
禮而賓舉之介以下無其人則闕正齒位每年季久
令為主人鄉之老人六十以上有德

行者一人為賓次一人為介又
其次為三賓又其次為衆賓主人戒賓立於賓大

門外之西東面賓立東階下西面將命者立於賓之
左北面受命立於門外之東西面曰敢請事主人曰
某日行鄉飲酒之禮請某子臨之將命者入告賓出
立於門東西面北向再拜毋辱主人答拜主人曰吾
子學優行高應茲觀國某日展禮請吾子臨之賓曰
某固陋恐辱命敢辭主人曰某於父師少師莫若吾
子賢敢固以請賓曰夫子申命之某敢不敬須主人
再拜賓答拜主人退賓拜送主人戒介亦如之戒辭
曰某
日行鄉飲酒之禮請吾
子臨之正齒位無戒賓其日質明設賓席於楹間近
北南向設主人席於阼階上西向設介席於西階上

東向設正賓

正齒位去三賓下故此

席三於賓席之西各南向

皆不屬焉又設堂下衆賓席於西階西南肆北上

正齒位設衆賓席於楹設兩壺於賓席之東北少退玄酒間近南北向東上

在西加勺幕置筐於壺南東肆實以爵觶設替者位於東階東西面北上賓介及賓至立於廳事大門外

之右東向北上執事者俱復位主人迎賓於門外之左西面拜賓賓答拜又西南面拜介介答拜又西南

面揖衆賓衆賓報揖主人又揖賓賓報揖主人先入門而右西面賓入門而左東面介及衆賓序入立於

賓西南東面北上衆賓非三賓者皆北面東上凡賓揖問施皆有相替正齒主人將進揖當階據禮位衆賓立於正齒之後

皆報揖至階主人曰請吾子升賓曰某敢辭主人曰固請吾子升賓曰某敢固辭主人曰終請吾子升賓

曰某敢終辭主人升自阼階賓升自西階當楣北面立執罇者徹幕主人適筐跪取爵興實罇實之進賓

適前西北面獻賓賓西階上北面拜主人少退賓進於席前受爵退復西階上北面立主人退於阼階上

北面拜送爵賓少退替者薦脯醢正齒位於賓席前下故此

南面立替者設折俎正齒位賓跪左執爵右取脯醢祭於籩豆之間遂祭酒啐酒啐嘗也興降席東適西階上

北面跪卒爵興適罇實之進主人席前東面南酢主

人主人於階上北面拜賓少退主人進受退復阼階
 下北面立賓退復西階上北面拜受爵贊者薦脯醢
 於主席前主人由席東自北方升席贊設折俎正齒位無
 折主人跪左執爵右取脯醢遂祭酒啐酒興自南方
 降席復阼階上北面跪卒爵執爵興跪奠爵於東序
 端興適篚跪取解實之以酬復阼階上北面跪奠解
 遂拜執解興賓西階上答拜主人跪祭遂飲卒解執
 解興適罇實之進賓席前北面賓拜主人少退賓既
 拜主人跪奠解於薦西興復阼階上位賓遂進席前
 北面跪取解復西階下位主人北面拜送賓進席前
 北面跪奠解於薦東興復西階上位酬酒不舉者君
不盡人之歡



以全交也主人北面揖遂降立於阼階下西面賓降立於
 西階西當西席東面主人將興降於禮故賓不居堂上位主人進筵介
 主人揖介介報揖至階一讓升阼階介升西階皆當
 楹北面立主人詣東序端跪取爵興適罇實之進於
 介席前西面南獻介介西階上北面拜主人少退介
 進北面受爵退復位主人於介右北面拜送爵介少
 退主人立於介西階之東贊者薦脯醢於介席前進
 介進自北方升席贊者設折俎正齒位無折俎介跪左執爵
 右取脯醢遂祭酒執爵興自南方降席北面跪卒爵
 執爵興介受主人爵主人適罇實之以酢於西階上
 立於介右北面跪奠爵遂拜執爵興介答拜主人跪

祭遂飲卒爵執爵興進跪奠爵於西楹南還阼階上
揖降介降立於賓南主人於阼階前西面揖衆賓遂
升適西楹南跪取爵適罇實之進於西階下南面獻
衆賓之長升西階上北面拜受爵主人於衆賓長之
右北面拜送贊者薦脯醢於其席前衆賓之長升席
跪左執爵右取脯醢祭酒執爵興退於西階上立飲
訖受主人爵降復位主人又適罇實之進於西階上
南面獻衆賓之次者如獻衆賓長之禮又次一人升
飲亦如之主人適罇實酒進於西階上南面獻堂下
衆賓每一人升受爵跪祭立飲贊者徧薦脯醢於其
位訖主人受爵奠於篚主人與賓一揖一讓升賓介

衆賓序升即席設工人席於堂廡西階之東北面東

上側是工四人入先二瑟後二歌工持瑟升自西階

就位坐工歌鹿鳴卒歌升入立於堂下北面奏南咳

訖乃間歌南有嘉魚笙歌升間代也謂一乃合樂周

南關雉召南鵲巢合謂歌與衆樂俱作也樂工人訖

司正升西階將留賓慮有懈惰立司正以監之跪取

觶於篚興適罇實之降自西階詣階間右還北面跪

奠觶拱手少立跪取觶遂飲卒觶奠觶再拜賓降席

取觶於篚適罇實之詣阼階上北面酬主人主人降

席進立於賓東初起旅酬也凡旅賓跪奠觶遂拜執

觶與主人答拜賓立飲卒觶適罇實之進阼階上東

南面授主人主人再拜賓少退主人受解賓於主人
之西北面拜送族酬同皆禮賓揖復席主人進西階上北
面酬介介降席自南方進立於主人西北面主人跪
奠解遂拜執解興介答拜主人立飲卒解適罇實之
進西階上西南面立介拜主人少退介受解主人於
介東北面拜主人揖復席司正升自西階近北面立
相旅曰某子受酬者受酬者降席自西方近北立於
介右旅序也於是介酬衆賓又以次序相酬也某者衆賓也同往則以伯仲別之又同則一以某字別之受酬者由介東司正退立於序端東面避受酬者又使
其贊相上下介跪奠解遂拜執解興某子答拜介立飲執
解適罇實之進西階上西南面授某子某子受解介

立於某子之左北面揖復席司正曰某子受酬受酬
者降自西方立於某子之左北面某子跪奠解遂拜
執解興受酬者拜某子受立飲卒解適罇實之進西
階上西南面授之受酬者受解某子立於受酬者之
右揖復席次一人及堂下衆賓受酬亦如之於某子
卒受酬者以解跪奠於筮復階下位司正適作階上
東面受命於主人主人曰請坐於賓司正迴北面告
於賓曰請賓坐賓曰唯命賓主之詞皆司正傳賓客各就席坐
若賓主俱公服者則皆降脫履於階下主人先左賓先右禮畢降立如常正齒於楹間北面乃揚解而言曰朝廷率由舊章敦行禮教凡我長幼各相勸勗忠於國孝於親內睦於閭門外比於鄉黨無或愆墮以忝所生賓主以下皆再拜司正跪奠解再拜跪取解飲卒解興賓主以下皆坐司正適能跪奠解興降復

其位司正降復位乃羞

羞進也所進者醢正齒位無進羞

無筭爵

筭數也賓

主燕飲爵於無數醉而止三賓以上贊者二人行爵以下取足也正齒位又無筭燕樂亦無數或問或答盡歡而止也主人之贊者與焉燕訖賓主俱興賓以下降

自西主人降自東階賓以下出立於門外之西東面北上主人送於門外之東西面再拜賓介遂巡而退

宣赦書

其日質明本司集承詔宣告內外隨職供辦守宮設文武群官次於朝堂如常儀群官依時刻皆集朝堂俱就次各服其服奉禮設文武群官次版位於順天門東西當朝堂之南文武西重行北面相對為首設中書令位群官東北東向刑部侍郎帥其屬官陳金

鷄於西朝堂之東南向置鼓吹於金鷄之南遂擊鼓

每一鼓授一杖刑部侍郎錄京帥見囚集於群官之南

北面西上囚集訖鼓止通事舍人引群官各就位中

書令受詔訖遂以詔書置於案令史二人對舉案通

事舍人引中書令持幡節者前導持案者次之詣門

外位立持節者立於中書令之南少西令史舉案者

於中書令西北復東面立定持節者脫節衣持案者

進詣案書令前中書令取詔書持案者以案退復位

中書令稱宣詔群官皆再拜宣詔訖群官又再拜舞

蹈又再拜刑部尚書前受詔書退復位持節者加節

衣通事舍人引中書令幡節前道而入通事舍人引



群官還次

群官詣闕上表

前一日守宮設文武群官次於朝堂如常儀其日量時刻文武群官集俱就位各服朝服奉禮設群官版位於東朝堂之前近南文武東西重行北面相對爲首設中書令位於群官之北南向設奉禮位於群官東北贊者二人在南少退俱西向奉禮郎贊者先就位謁者引群官各就位禮部令史二人絳公服對舉表案立於奉禮之北西南立定典謁引中書令出就南面立禮部郎中引表案詣中書令前郎中取表以授中書令受表郎中舉案退復位奉禮曰再拜贊者承傳群官在位者皆再拜通事舍人引中書令以表入奏退復位南面稱宣詔群官再拜宣詔訖又再拜謁者引爲首一人進北面受表退復位舍人引中書令入謁者引群官還次

群官奉參起居

前一日守宮設文武群官次於朝堂如常儀其日依時刻文武群官九品以上俱集朝堂次奉禮設文武群官位於東朝堂之前文左武右重行北面相對爲首又設奉禮位於文武官東北贊者二人在南少退俱西向又設通事舍人位於文官爲首者之北少東西向並如常奉禮帥贊者先就位舍人各引文武群

官俱就位立定舍人引爲首者少進通起居訖退復位奉禮唱再拜贊者承傳群官在位者皆再拜舍人引就訖舍人承旨出復位西面承勅旨群官在位者皆再拜宣訖又再拜舍人及群官俱退

皇帝遣使詣蕃宣勞

前一日執事者設使者次於大門外道東南向其日使者至執事者引就次使者以下俱公服蕃王朝堂立於東階東南西面使者出次執事者引使者立於大門外之西東面使副立於使者西持節者立於使者之北少退令史二人對舉詔書案立於使副西南俱東向執事者引蕃主迎使者於門外之南北面再拜使者不答拜執事者引使者入持節者前導持案者次之入門而左使者詣階間南面立持節者立於使者之東少南面副使立於使者西南持節者立使副西南俱東面執事者引蕃主入立於使者之南北面持節者脫節衣持案者進使者前使副取詔書持案者退復位使副進授使者退復位使者稱詔蕃主再拜使者宣詔訖蕃主又再拜執事者引蕃主進使者前北面受詔書退立於東階東南西面持節者加節衣執事者引使者持節者前導持案者次之出復門外位執事者引蕃主拜送於大門外使者還於次執事引蕃主入

皇帝遣使諸州宣撫

前一日日本司設使者次於大門外道右南向又設應集之官次於大門外文官在道東武官於使者次西南俱南向相對為首其日使者將至刺史出城迎於一里外相去九十步許州刺史於路左下馬使者下馬皆少進使者命刺史乘馬使者與刺史俱乘馬而行使者至鎮及縣其鎮將與縣令迎與刺史同若使行者五品以上鎮將縣令六品以下則使者不下馬命鎮將縣令乘馬而迎應集者至州門外各就次服朝服非朝服者公服應受制者及應版受官路遠不及期者則使至別定某日日本司設使者位於廳事階間南向設刺史位於使者位之南北向設應集官之位於刺史後每等異位若有諸

老則位於諸官之後俱重行北面以西為上又設刺

史以下位於大門外之東每等異位重行北面以西

北為上使者至堂次者引就次若別日宣勞則使者停於館應集者至日

乃刺史及使者以下皆公服制書及版案置於案贊

禮者引應集之官就門外位諸老應受版者齒位以上者杖於位

刺史朝服以出行參軍引立於東階東南西

面使者出次贊禮者引使者持幡節者立於使者之

北少退使副立使者西南對制書及版案立於使副

西南俱東面北上若版多則量加於案立定參軍引刺史迎於

大門外之南北面再拜引刺史先入立於內門外之

東西面州官立於其後贊禮者引使者持幡節者導

入門而左使副以下從之使者請階間就位南面立
持幡節者立於使者之東少南西面使副立於使者
西南持案者立於使副之南少退使俱東面行參軍
引刺史贊禮者引應集之官次以入就位立定持節
者脫節衣持案者退使副前使副取制書持案者退
復位使副以制書進授使者退復位使者稱有制刺
史等再拜宣制訖刺史等文再拜行參軍引刺史進
詣使者前北面受制書退立訖於東南西面贊禮者
次以引應受制者別受制如上儀凡同制書者皆同拜訖引於
刺史東南西面北上若有版受史以案詣使副前使
副取版進受使者皆如初贊者引爲首者一人少前

使者稱有制爲首者再拜宣制訖爲首者又再拜贊

禮者引爲首者進詣使者前北面受版若有東帛版

恤依式宣付凡老者拜八十以上一坐引立刺史

之後又引次受者亦如之訖持節者加節衣贊禮者

引使者入使者幡節導之以出使副以下從之俱復

門外位諸老以版受子弟行參軍引刺史贊禮者引

州府之官及諸老出復門外位立定刺史拜送贊禮

者引使者還於次參軍引刺史入贊禮者引州官及

諸老還次若在諸縣宣勞版受如在州之儀使者若

於隨便宣制度賜物者縣令先集鄉望立於館門外

之南重行北面西上使者至於門西東面之鄉望俱

再拜使者入詣廳事前南立鄉望隨入宣勞受及拜
送皆如上儀凡使至先問百年者有則宣制頒餼酒
物皆子弟代受之

皇帝遣使詣諸州宣制勞會

前一日本司設使者次於大門外道右南向又設應
集之官次於大門外文官道東武官於次使西俱南
向相對為首其日質明應集之官至州門外各就次
服朝服非朝服者以公服本司設使者位於廳事階
間南向設刺史位於使者位之南北向設應集之官
位於刺史之後每等異位重行北面以西為上又設
刺史以下位於大門外之東每等異位俱重行西面

以北為上使者至掌次者引就次以制書置於案使
者以下皆公服贊禮者引應集之官俱就門外位刺
史朝服以出行參軍引立於東階東南西面使者出
次贊禮引使者立於門西東面史二人對舉制書案
立於使者西南俱東面立定行參軍引刺史迎於大
門外之南北面再拜行參軍引刺史先入立於門外
之東西面位州官立於其後贊禮者入門而左持案
者從之使者詣階間就位南向立持案者立於使者
西南東向行參軍引刺史贊禮者引應集之官以次
入就位立定持案者進使者前使者取制書持案者
退復位使者稱有制刺史等再拜宣訖又再拜行參

軍引刺史進詣使者前北面受制書退立於東南西
面贊禮者次引應受制者別受制如上儀凡同制者皆同宜拜
跪引立於刺史東南西北上贊禮者引使者出持案
者從之俱復門外位行參軍引刺史贊禮者引州官
以次出俱就門外位刺史拜送贊禮者引使者還於
次行參軍引刺史入贊禮者引州官各還將會本司
設刺史以下位於廳事之庭如常儀又鋪使者席於
刺史之東西向州官之席於刺史之後各依資品俱
南上席於庭者文官在東武官在西皆北上設訖刺
史以下各服公服若非公服者常服贊禮者行參軍
引刺史又贊禮者引應會之官俱就門外位立定贊

唱者先入就位贊禮者引使者先入行參軍引刺史
贊禮者引應會之官以次入就位立定贊唱者曰再
拜在位者皆再拜贊禮者引使者行參軍引刺史又
贊禮者引應升階者詣東西階以次升各立於階後
其位於階下者又引就席後上下立定俱就席俛伏
坐遂行酒酒至上下皆俛伏興立於席後俱再拜擗
笏立受酒升席俛伏坐飲酒行三周進食食至上下
皆俛伏興立於席後設食訖俱升席俛伏坐食訖仍
行酒會畢俱興各以次引降復位定贊唱者曰再拜
在位者皆再拜以次引出君無臺使會位贊拜亦准此

皇帝遣使詣諸州宣赦書鎮與州同

其日本司設使次於州之大門外道南西向使者至
掌次者引就次以赦書置於案應集之官至州門外
服朝服非朝服者公服本司設使者位於廳階間南
向設刺史位於使者位南北面設應集之位於刺史
之後文官在東武官在西每等異位重行北面相對
爲首又設門外位文官於門東西向武官於門西東
向俱每等異位重行以北爲上本司錄州見囚集於
州門之外北面西上贊禮者引應集之官俱就門外
位刺史朝服以出行叅軍引立於東南西向使者出
次贊禮者引立於門西武官之前少北東向史二人
對舉案立於使者西南俱東西立定行叅軍引刺史

迎於大門外之南北面再拜行叅軍引刺史先入立
於內門之東西面州官立於其後贊禮者引使者入
門內而立持案者從之使者請階間就位南向立持
案者立於使者西南東面行叅軍引刺史贊禮者引
應集之官以次入就位立定持案者以案進使者前
使者取赦書持案者退復位使者稱有赦刺史以下
皆再拜宣赦書訖又再拜舞蹈又再拜本司釋囚行
叅軍引刺史進使者前北面受赦書退復位贊禮者
引使者出持案者從之俱復門外位行叅軍引刺史
贊禮者引州官以次出復門外位刺史拜送贊禮者
引使者還於次行叅軍引刺史入贊禮者引州官還

次

諸州上表

前一日本司設應集之官次於州大門外文官道東武官道西俱南向相對為首其日夙興本司設使者位於廳事階間南向設刺史位於使者位之南北向設應集之官位於刺史之後文官在東武官在西每等異位重行北面相對為首設贊者位於東南西北上設應集之官門外位文官於門東西向武官於門西東向俱每等異位重行以北為上質明應集之官至州門外各就次服朝服非朝服公服贊禮者引應集之官俱就門外位贊唱者先入就位佐史對舉

表案立於贊唱之西北向

表每一等為一案

刺史朝服以出

行參軍引就位贊禮者引應集之官以次入就位立定贊禮者引使者入門而右詣階間就位南向立贊禮者引表案詣使者取表贊禮者引案退復位餘表案位於使者西北南向東上贊唱者曰再拜刺史以下皆再拜贊禮者引使者出舉表案者從之參軍引刺史入贊禮者引州官以次出上表者若止一人則不須諸官陪位上表者立於廳事東階東南西南面持案者立於上表東南俱西面使者入立於階間南向持案者以案進上表者前上表者取表持案者退復位上表者詣使者前授表退北面再拜使者出上表

者入

杜氏通典卷第二百三十終

杜氏通典卷第一百三十一

禮九十一

大賓一 纂類二十六 唐開元禮二十六

蕃主來朝以束帛迎勞

遣使戒蕃主見日

蕃主奉見

受蕃國使表及幣

皇帝宴蕃國主

皇帝宴蕃國使

蕃主來朝以束帛迎勞

前一日守宮設次於候館門之外道右南向其日使者至掌次者引就次蕃主服其國服所司引立於東